

1017 Veröffentlichung

Su schwätze mir

Dä Schelmesträich!



■ Von Katharina Schaaf

Februar – dä korze, klore
„Wassermann“ on „Fesch“ zogläch
läift stets met ons dorch die Johre,
als en kleine „Schelmesträich“.

Manichmo es ä echt nixnotzisch
fiehrt ons an de Nas e'rom.
Haust met Eis on Schnie häit protzisch,
morje bläift ä meld, stell, stomm.

Wie en Kobold hängt dä Labbes
zwesche Januar on März.
Faasenacht nicht ä de Flabbes
häi bäi ons on allerwärts.

Gruße Tön kann ä do spucke
röndom bäi der Narretei.
Doht henner Fassade gugge –
jeder Art, jeder Partei.

Alle 4 Johr darf ä stäije
roff off 29 Daach.
En Geburtsdaach, sich zo freue
fier et Liss en herrlich Sach!

Em Schaltjohr soll et 80 wiere.
Dogähn wehrt et sich dann gläich.
Doht noh „Adam Riese“ dezimiere:
Dank Februar, däm „Schelmesträich“

3.2.2007

Katharina Schaaf